

№ 45
Лит.

Главнѣшїя молитвы
и 10^{ти} заповѣдей

11785

日誦經文

吾主、伊伊蘇斯合喇斯托斯天主子、以諸
聖神師祈禱、矜憐我等、阿民、
榮光爾、我等天主、榮光爾、
在天之君、撫恤我等者、真實之神、無所不
在者、無所不充滿者、萬善之寶藏者、施生
活之主、祈降臨居我等中、並潔淨我等諸
污、至善者救我等靈、

聖天主、聖勇毅、聖常生、矜憐我等、三次

榮光於父、及子、及聖神、自今、至恒久、及無

窮世、阿民、

至聖三者、矜憐我等、主潔淨我等罪惡、君

赦免我等愆尤、聖臨蒞而療我等疾、悉因

爾名、

主矜憐我等、三次

榮光於父、及子、及聖神、自今、至恒久、及無

窮世、阿民、

在天我等父、我等願爾名、見聖、爾國臨格、

爾旨承行於地、如於天、求今賜我等日用

之糧、而免我等債、如我亦免負我等債者、

又不導我儕於誘惑、乃救我儕於凶惡、因

凡國、及權能、並光榮、皆係於爾於世世、阿

民、

聖母經

日誦經文
慶哉天主聖母童貞女滿被聖寵之瑪喇
阿主與爾偕焉女中爾爲讚美爾胎之果
並爲讚美因爾生救吾等靈魂之主

早課經

既醒我感謝爾聖三者因爾大仁慈及寬
容之故不怒我罪愆者並弗殞我於惡行
之際乃依素昔仁愛我我無聊偃卧之中
使起持早課而稱頌主之權能今求光照

我靈目開我口俾習誦主之諭言且明識
主之誠命承行主之聖旨由衷情承認而
賡颺天主聖父及子及聖神至聖之名自
今至恒久及無窮世阿民

又聖母經

誠應讚揚爾永福無玷我等天主之母我
等讚揚爾逾叶嚙微木而尊逾些喇肥木
榮光無比無損生天主言誠天主之母云

飯前經

天主經

飯後經

感謝吾主合喇斯托斯、因爾飽我以世食、
乞毋遺我於天筵、如昔顯見予爾宗徒、錫
伊安寧、今亦見臨於我等、錫以救贖、阿民、
晚課經

全能天主、爾護育使吾得生命、至斯夜感

謝爾今日聖手慷慨所賞諸恩、並因吾罪
辜、獻痛心於爾、再求以爾聖佑、庇廕我於
將寐際、並賜吾恒憶彼永遠安息域、爾所
備予諸愛爾者、使吾得入其數中、阿民、

信經

一我信惟一全能天主、聖父造成天地、及
諸有形無形之物、

二又信惟一主伊伊穌斯合喇斯托斯爲

白誦經文
天主之獨一子、諸世前生於父、由光者
光、由真天主者、真天主受生而非受造、
與父一體、萬物由彼而受造、

三彼爲我等人、又爲救我等、自天而來、因
聖神降孕、生於童女瑪喇阿而爲人、

四又爲我等被釘十字架、當珀尼特批刺
特時、受害乃瘞、

五及第三日復活、符於經典、

六升天坐於聖父之右、

七赫顯復來審判生死者、其國將無終、

八我信聖神施生之主、出於父、偕父及子

同一欽榮、藉先知者嘗論、

九我信惟一聖而公、宗徒之教會、

十我認惟一聖洗、以獲罪赦、

十一我望諸亡者復活、

十二並來世之生、阿民、

天主十誡

一吾為天主爾主、吾以外毋以他物而更

十為爾天主也、

二毋造捏偶人、及凡天上、地下、土中、水間、

一所有諸物之像、毋敬拜奉事之、

三毋呼天主爾主之聖名、以發輕言、

四記憶以穌博特日、譯即安息日、主獻於日、瞻禮等日、獻於

六主、其他六日任爾做工、營爾諸務、至第

七日、乃為天主爾主之穌博特日、

五孝敬爾父母、則吉祥必及於爾身、而延

壽於世、

六毋殺人、

七毋行邪淫、

八毋偷盜、

九毋妄證、

十毋願他人妻、毋貪他人田莊僕婢牛驢

十等並一切凡係他人之物

大聖安

大聖安

大聖安

大聖安

大聖安

大聖安

天主降生一千八百七十九年四月下旬重刊